

कृष्ण यजुर्वेदीय तैत्तिरीय संहिता, पद, जटा, घन पाठः

4.7 चतुर्थकाण्डे सप्तमः प्रश्नः - वसोर्धारादिशिष्ट संस्काराभिधानं

## Contents

1	TS 4.7.1.1	4
2	TS 4.7.1.2	4
3	TS 4.7.2.1	5
4	TS 4.7.2.2	6
5	TS 4.7.3.1	7
6	TS 4.7.3.2	7
7	TS 4.7.4.1	8
8	TS 4.7.4.2	9
9	TS 4.7.5.1	10
10	TS 4.7.5.2	10
11	TS 4.7.6.1	11
12	TS 4.7.6.2	12
13	TS 4.7.7.1	12

14	TS 4.7.7.2	13
15	TS 4.7.8.1	14
16	TS 4.7.9.1	15
17	TS 4.7.10.1	16
18	TS 4.7.10.2	16
19	TS 4.7.11.1	17
20	TS 4.7.11.2	18
21	TS 4.7.12.1	19
22	TS 4.7.12.2	20
23	TS 4.7.12.3	21
24	TS 4.7.13.1	22
25	TS 4.7.13.2	23
26	TS 4.7.13.3	24
27	TS 4.7.13.4	25

<b>28</b>	<b>TS 4.7.13.5</b>	<b>26</b>
<b>29</b>	<b>TS 4.7.14.1</b>	<b>26</b>
<b>30</b>	<b>TS 4.7.14.2</b>	<b>27</b>
<b>31</b>	<b>TS 4.7.14.3</b>	<b>28</b>
<b>32</b>	<b>TS 4.7.14.4</b>	<b>29</b>
<b>33</b>	<b>TS 4.7.15.1</b>	<b>30</b>
<b>34</b>	<b>TS 4.7.15.2</b>	<b>31</b>
<b>35</b>	<b>TS 4.7.15.3</b>	<b>32</b>
<b>36</b>	<b>TS 4.7.15.4</b>	<b>33</b>
<b>37</b>	<b>TS 4.7.15.5</b>	<b>34</b>
<b>38</b>	<b>TS 4.7.15.6</b>	<b>35</b>
<b>39</b>	<b>TS 4.7.15.7</b>	<b>36</b>

## 1 TS 4.7.1.1

### TS 4.7.1.1

#### Samhita Paata

अग्राविष्णू स॒जोष॑से॒मा व॑र्द्धन्तु वा॒ं गिर॑ः । ध्यु॒नैर्वा॑जे॒भिरा॑ ग॒तं ॥ वाज॑श्च मे प्रस॒वश्च॑ मे प्रय॑तिश्च मे  
प्रसि॑तिश्च मे धी॒तिश्च॑ मे ऋतु॑श्च मे स्वर॑श्च मे श्लोक॑श्च मे श्राव॑श्च मे श्रुति॑श्च मे ज्योति॑श्च मे सुव॑श्च  
मे प्रा॒णश्च॑ मे ऽपान॑ - [ ]

#### Pada Paata

अग्राविष्णू इत्यग्रा॑ - विष्णू । स॒जोष॑सेति स - जोष॑सा । इ॒माः । व॑र्द्धन्तु । वा॒म् । गिर॑ः ॥  
ध्यु॒मैः । वा॒जेभिः॑ । ए॒ति । ग॒तम् ॥ वाज॑ः । च॒ । मे । प्रस॒व इति॑ प्र-स॒वः । च॒ । मे ।  
प्रय॑तिरिति प्र-य॒तिः । च॒ । मे । प्रसि॑तिरिति प्र-सि॒तिः । च॒ । मे । धी॒तिः । च॒ । मे । ऋतुः॑  
। च॒ । मे । स्वर॑ः । च॒ । मे । श्लोकः॑ । च॒ । मे । श्रावः॑ । च॒ । मे । श्रुतिः॑ । च॒ । मे ।  
ज्योतिः॑ । च॒ । मे । सुव॑ः । च॒ । मे । प्रा॒ण इति॑ प्र - अ॒नः । च॒ । मे । अ॒पान॑ इत्यप - अ॒नः ।

## 2 TS 4.7.1.2

### TS 4.7.1.2

#### Samhita Paata

-श्च॑ मे व्या॒नश्च॑ मे ऽसु॑श्च मे चि॒त्तं च॑ म॒ आधी॑तं च मे वाक्च॑ मे मन॑श्च मे चक्षु॑श्च मे श्रोत्रं॑ च मे

दक्षश्च मे बलं च म ओजश्च मे सहश्च म आयुश्च मे जरा च म आत्मा च मे तनूश्च मे ( ) शर्म  
च मे वर्म च मे ऽङ्गानि च मे ऽस्थानि च मे परूषि च मे शरीराणि च मे ॥

### Pada Paata

च । मे । व्या॒न इति॑ वि॒अ॒नः । च । मे । असुः । च । मे । चित्तम् । च । मे ।  
आधी॑तमित्या - धी॒तम् । च । मे । वाक् । च । मे । मनः । च । मे । चक्षुः । च ।  
मे । श्रोत्र॑म् । च । मे । दक्षः । च । मे । बल॑म् । च । मे । ओजः । च । मे ।  
सहः । च । मे । आयुः । च । मे । जरा । च । मे । आ॒त्मा । च । मे । तनूः । च ।  
। मे ( ) । शर्म । च । मे । वर्म । च । मे । अङ्गा॑नि । च । मे । अ॒स्थानि॑ । च ।  
मे । परू॑षि । च । मे । शरी॑राणि । च । मे ॥

## 3 TS 4.7.2.1

### TS 4.7.2.1

#### Samhita Paata

ज्यैष्ठ्यं च म आधि॑पत्यं च मे म॒न्युश्च मे भा॑मश्च मे ऽम॑श्च मे ऽभ॑श्च मे जे॒मा च मे म॒हि॒मा च मे व॒रि॒मा  
च मे प्र॒थि॒मा च मे व॒र्ष्मा च मे द्राघु॑या च मे वृ॒द्धं च मे वृ॒द्धिश्च मे स॒त्यं च मे श्र॒द्धा च मे जग॑च्च - [ ]

### Pada Paata

ज्यैष्ठ्य॑म् । च । मे । आधि॑पत्य॒मित्याधि॑प॒त्यम् । च । मे । म॒न्युः । च । मे । भा॑मः ।

च । मे । अमः । च । मे । अभः । च । मे । जेमा । च । मे । म॒हिमा । च । मे ।  
 व॒रिमा । च । मे । प्र॒थिमा । च । मे । व॒ष्मा । च । मे । द्रा॒घुया । च । मे । वृ॒द्धम् । च ।  
 मे । वृ॒द्धिः । च । मे । स॒त्यम् । च । मे । श्र॒द्धेति॑ श्रत् - धा । च । मे । जग॑त् । च ।

## 4 TS 4.7.2.2

### TS 4.7.2.2

#### Samhita Paata

-मे धनं॑ च मे वश॑श्च मे त्विषि॑श्च मे क्री॒डा च॑ मेमोद॑श्च मे जा॒तं च॑ मे जनि॑ष्यमाणं च मे सू॒क्तं च॑  
 मे सु॒कृतं॑ च॑ मे वि॒त्तं च॑ मे वे॒द्यं च॑ मे भू॒तं च॑ मे भवि॑ष्यच्च॑ मेसु॒गं च॑ मे सु॒पथं॑ च म ऋ॒द्धं च॑ म  
 ऋ॒द्धिं ( ) श्च मे कृ॒प्तं च॑ मे कृ॒प्तिश्च॑ मे म॒तिश्च॑ मे सु॒म॒तिश्च॑ मे ॥

#### Pada Paata

मे । धन॑म् । च । मे । वशः॑ । च । मे । त्विषिः॑ । च । मे । क्री॒डा । च । मे ।  
 । मोदः॑ । च । मे । जा॒तम् । च । मे । जनि॑ष्यमाणम् । च । मे । सू॒क्तमिति॑ सु -  
 उ॒क्तम् । च । मे । सु॒कृतमिति॑ सु - कृ॒तम् । च । मे । वि॒त्तम् । च । मे । वे॒द्यम् ।  
 च । मे । भू॒तम् । च । मे । भवि॑ष्यत् । च । मे । सु॒गमिति॑ सु - गम् । च । मे ।  
 । सु॒पथमिति॑ सु - पथ॑म् । च । मे । ऋ॒द्धम् । च । मे । ऋ॒द्धिः ( ) । च । मे ।  
 कृ॒प्तम् । च । मे । कृ॒प्तिः । च । मे । म॒तिः । च । मे । सु॒म॒तिरिति॑ सु - म॒तिः । च । मे ॥

## 5 TS 4.7.3.1

### TS 4.7.3.1

#### Samhita Paata

शं च॑ मे॒ मय॑श्च मे॒ प्रि॒यं च॑ मे॒ ऽनु॒का॒मश्च॑ मे॒ का॒मश्च॑ मे॒ सौम॒न॒सश्च॑ मे॒ भु॒द्रं च॑ मे॒ श्रे॒यश्च॑ मे॒ व॒स्य॑श्च मे॒ य॒शश्च॑ मे॒ भ॒गश्च॑ मे॒ द्र॒वि॒णं च॑ मे॒ य॒न्ता च॑ मे॒ ध॒र्ता च॑ मे॒ क्षे॒मश्च॑ मे॒ धृ॒तिश्च॑ मे॒ वि॒श्वं च॑ - [ ]

#### Pada Paata

शम् । च॒ । मे॒ । मयः॑ । च॒ । मे॒ । प्रि॒यम् । च॒ । मे॒ । अ॒नु॒का॒म इत्य॑नु - का॒मः । च॒ । मे॒ । का॒मः । च॒ । मे॒ । सौम॒न॒सः । च॒ । मे॒ । भु॒द्रम् । च॒ । मे॒ । श्रे॒यः । च॒ । मे॒ । व॒स्यः॑ । च॒ । मे॒ । य॒शः॑ । च॒ । मे॒ । भ॒गः॑ । च॒ । मे॒ । द्र॒वि॒णम् । च॒ । मे॒ । य॒न्ता । च॒ । मे॒ । ध॒र्ता । च॒ । मे॒ । क्षे॒मः॑ । च॒ । मे॒ । धृ॒तिः॑ । च॒ । मे॒ । वि॒श्वम् । च॒ ।

## 6 TS 4.7.3.2

### TS 4.7.3.2

#### Samhita Paata

मे॒ मह॑श्च मे॒ स॒वि॒च्च॑ मे॒ ज्ञा॒त्रं च॑ मे॒ सू॒श्च॑ मे॒ प्र॒सू॒श्च॑ मे॒ सी॒रं च॑ मे॒ ल॒यश्च॑ म॒ ऋ॒तं च॑ मे॒ ऽमृ॒तं च॑ मे॒ ऽय॒क्ष्मं च॑ मे॒ ऽना॑मयच्च मे॒ जी॒वातु॑श्च मे॒ दी॒र्घायु॑त्वं च॑ मे॒ ऽन॒मि॒त्रं च॑ मे॒ ऽभ॑यं च॑ मे॒ सु॒गं च॑ मे॒ श॒य॒नं ( ) च॑ मे॒ सू॒षा च॑ मे॒ सु॒दि॒नं च॑ मे॒ ॥



**Pada Paata**

मे॒ । महः॑ । च॒ । मे॒ । सु॒विदि॑ति॒ सम्-वि॑त् । च॒ । मे॒ । ज्ञा॒त्रम् । च॒ । मे॒ । सूः । च॒ ।  
 मे॒ । प्र॒सू॒रिति॑ प्र - सूः । च॒ । मे॒ । सी॒रं॑ । च॒ । मे॒ । ल॒यः । च॒ । मे॒ । ऋ॒तम् । च॒ ।  
 मे॒ । अ॒मृ॒तम् । च॒ । मे॒ । अ॒य॒क्ष्मम् । च॒ । मे॒ । अना॑मयत् । च॒ । मे॒ । जी॒वातुः॑ । च॒ ।  
 । मे॒ । दी॒र्घायु॑त्वमिति॒ दी॒र्घायु॑ - त्वम् । च॒ । मे॒ । अ॒न॒मि॒त्रम् । च॒ । मे॒ । अ॒भय॑म् । च॒ ।  
 । मे॒ । सु॒गमि॑ति॒ सु-ग॑म् । च॒ । मे॒ । शय॑नम् ( ) । च॒ । मे॒ । सू॒षेति॑ सु - उ॒षा । च॒ ।  
 मे॒ । सु॒दि॒न॒मिति॑ सु - दि॒नम् । च॒ । मे॒ ॥

**7 TS 4.7.4.1****TS 4.7.4.1****Samhita Paata**

ऊ॒र्क्च॑ मे॒ सू॒नृता॑ च॒ मे॒ प॒यश्च॑ मे॒ र॒सश्च॑ मे॒ घृ॒तं च॑ मे॒ म॒धुं च॑ मे॒ स॒ग्धिश्च॑ मे॒ स॒पी॒तिश्च॑ मे॒ कृ॒षिश्च॑  
 मे॒ वृ॒ष्टिश्च॑ मे॒ जै॒त्रं च॑ म॒ औ॒द्भि॒द्यं च॑ मे॒ र॒यिश्च॑ मे॒ रा॒यश्च॑ मे॒ पु॒ष्टं च॑ मे॒ पु॒ष्टिश्च॑ मे॒ वि॒भु च॑ - [ ]

**Pada Paata**

ऊ॒र्क् । च॒ । मे॒ । सू॒नृता॑ । च॒ । मे॒ । प॒यः । च॒ । मे॒ । र॒सः । च॒ । मे॒ । घृ॒तम् । च॒ ।  
 मे॒ । म॒धुं । च॒ । मे॒ । स॒ग्धिः । च॒ । मे॒ । स॒पी॒ति॒रिति॑ स - पी॒तिः । च॒ । मे॒ । कृ॒षिः । च॒ ।

। मे । वृष्टिः । च । मे । जैत्रम् । च । मे । औद्भिद्यमित्यौत्-भिद्यम् । च । मे । रुयिः ।  
च । मे । रायः । च । मे । पुष्टम् । च । मे । पुष्टिः । च । मे । विभ्विति वि - भु । च ।

## 8 TS 4.7.4.2

### TS 4.7.4.2

#### Samhita Paata

मे प्रभु च मे बहु च मे भूयश्च मे पूर्ण च मे पूर्णतरं च मे ऽक्षितिश्च मे कूयवाश्च मेऽन्नं च मे  
ऽक्षुच्च मे व्रीहयश्च मे यवाश्च मे माषाश्च मे तिलाश्च मे मुद्गाश्च मे खल्वाश्च मे गोधूमाश्च मे मसुरा-  
( ) -श्च मे प्रियंगवश्च मे अणवश्च मेश्यामाकाश्च मे नीवाराश्च मे ॥

#### Pada Paata

मे । प्रभ्विति प्र - भु । च । मे । बहु । च । मे । भूयः । च । मे । पूर्णम् । च ।  
मे । पूर्णतरमिति पूर्ण - तरम् । च । मे । अक्षितिः । च । मे । कूयवाः । च । मे ।  
अन्नम् । च । मे । अक्षुत् । च । मे । व्रीहयः । च । मे । यवाः । च । मे । माषाः  
। च । मे । तिलाः । च । मे । मुद्गाः । च । मे । खल्वाः । च । मे । गोधूमाः । च  
। मे । मसुराः ( ) । च । मे । प्रियंगवः । च । मे । अणवः । च । मे । श्यामाकाः  
। च । मे । नीवाराः । च । मे ॥

## 9 TS 4.7.5.1

### TS 4.7.5.1

#### Samhita Paata

अ॒श्मा॑ च मे॒ मृ॒त्ति॒का च मे॒ गि॒र्य॑श्च मे॒ पर्व॑ताश्च मे॒ सि॒क॒ताश्च मे॒ वन॑स्पत॑यश्च मे॒ हि॒र॑ण्यं च॒ मे  
ऽय॑श्च मे॒ सी॒सं च मे॒ त्र॒पुश्च मे॒ श्या॒मं च॑ मे॒ लो॒हं च॑ मे॒ऽग्नि॑श्च म॒ आप॑श्च मे॒वी॒रु॒धश्च म॒ ओष॑धयश्च  
मे कृ॒ष्ट॒प॒च्यं च॑ - [ ]

#### Pada Paata

अ॒श्मा॑ । च॒ । मे॒ । मृ॒त्ति॒का । च॒ । मे॒ । गि॒र्यः॑ । च॒ । मे॒ । पर्व॑ताः । च॒ । मे॒ । सि॒क॒ताः  
। च॒ । मे॒ । वन॑स्पत॑यः । च॒ । मे॒ । हि॒र॑ण्यम् । च॒ । मे॒ । अ॒यः॑ । च॒ । मे॒ । सी॒सम् । च॒  
। मे॒ । त्र॒पु । च॒ । मे॒ । श्या॒मम् । च॒ । मे॒ । लो॒हम् । च॒ । मे॒ । अ॒ग्निः॑ । च॒ । मे॒ । आप॑ः  
। च॒ । मे॒ । वी॒रु॒धः । च॒ । मे॒ । ओष॑धयः । च॒ । मे॒ । कृ॒ष्ट॒प॒च्यमि॑ति कृ॒ष्ट - प॒च्यम् । च॒ ।

## 10 TS 4.7.5.2

### TS 4.7.5.2

#### Samhita Paata

मे ऽकृ॒ष्ट॒प॒च्यं च॑ मे॒ ग्रा॒यांश्च॑ मे॒ प॒श॒वं आ॒र॒ण्याश्च॑ य॒ज्ञेन॑ कल्पन्तां॒ वि॒त्तं च॑ मे॒ वि॒त्ति॑श्च मे॒ भू॒तं च॑  
मे॒ भू॒ति॑श्च मे॒ वसु॑ च मे॒ वस॑तिश्च॒ मे॒ कर्म॑ च मे॒ शक्ति॑श्च मे॒ऽर्थ॑श्च म॒ ए॒मंश्च म॒ इति॑श्च मे॒ गति॑श्च मे॒ ॥

**Pada Paata**

मे । अ॒कृष्ट॑प॒च्यमित्य॑कृष्ट - प॒च्यम् । च॒ । मे॒ । ग्राम्याः । च॒ । मे॒ । प॒शवः॑ । आ॒रु॒ण्याः ।  
 च॒ । य॒ज्ञेन॑ । क॒ल्पन्ता॑म् । वि॒त्तम् । च॒ । मे॒ । वि॒त्तिः॑ । च॒ । मे॒ । भू॒तम् । च॒ । मे॒ ।  
 भू॒तिः॑ । च॒ । मे॒ । वसु॑ । च॒ । मे॒ । व॒स॒तिः॑ । च॒ । मे॒ । क॒र्म । च॒ । मे॒ । श॒क्तिः॑ ।  
 च॒ । मे॒ । अ॒र्थः॑ । च॒ । मे॒ । ए॒मः॑ । च॒ । मे॒ । इ॒तिः॑ । च॒ । मे॒ । ग॒तिः॑ । च॒ । मे॒ ॥

**11 TS 4.7.6.1****TS 4.7.6.1****Samhita Paata**

अ॒ग्निश्च॑ म॒ इन्द्र॑श्च मे॒ सोम॑श्च म॒ इन्द्र॑श्च मे॒ स॒वि॒ता च॑ म॒ इन्द्र॑श्च मे॒ सर॑स्वती च म॒ इन्द्र॑श्च मे॒ पू॒षा  
 च॑ म॒ इन्द्र॑श्च मे॒ बृ॒ह॒स्पति॑श्च म॒ इन्द्र॑श्च मे॒ मि॒त्रश्च॑ म॒ इन्द्र॑श्च मे॒ वरु॑णश्च म॒ इन्द्र॑श्च मे॒ त्व॒ष्टा च॑ - [ ]

**Pada Paata**

अ॒ग्निः । च॒ । मे॒ । इन्द्रः॑ । च॒ । मे॒ । सोमः॑ । च॒ । मे॒ । इन्द्रः॑ । च॒ । मे॒ ।  
 स॒वि॒ता । च॒ । मे॒ । इन्द्रः॑ । च॒ । मे॒ । सर॑स्वती । च॒ । मे॒ । इन्द्रः॑ । च॒ । मे॒ ।  
 पू॒षा । च॒ । मे॒ । इन्द्रः॑ । च॒ । मे॒ । बृ॒ह॒स्पतिः॑ । च॒ । मे॒ । इन्द्रः॑ । च॒ । मे॒ ।  
 मि॒त्रः । च॒ । मे॒ । इन्द्रः॑ । च॒ । मे॒ । वरु॑णः । च॒ । मे॒ । इन्द्रः॑ । च॒ । मे॒ । त्व॒ष्टा । च॒ ।

## 12 TS 4.7.6.2

### TS 4.7.6.2

#### Samhita Paata

म॒ इन्द्र॑श्च मे॒ धा॒ता च॑ म॒ इन्द्र॑श्च मे॒ विष्णु॑श्च म॒ इन्द्र॑श्च मे॒ ऽश्विनौ॑ च म॒ इन्द्र॑श्च मे॒ म॒रुत॑श्च म॒  
इन्द्र॑श्च मे॒ विश्वे॑ च मे॒ दे॒वा इन्द्र॑श्च मे॒ पृथि॑वी च॑ म॒ इन्द्र॑श्च मे॒ऽन्तरि॑क्षं च म॒ इन्द्र॑श्च मे॒ द्यौश्च॑ म॒ ( )  
इन्द्र॑श्च मे॒ दिश॑श्च म॒ इन्द्र॑श्च मे॒ मूर्द्धा॑ च॑ म॒ इन्द्र॑श्च मे॒ प्र॒जाप॑तिश्च म॒ इन्द्र॑श्च मे॒ ॥

#### Pada Paata

मे॒ । इन्द्रः॑ । च॒ । मे॒ । धा॒ता । च॒ । मे॒ । इन्द्रः॑ । च॒ । मे॒ । विष्णुः॑ । च॒ । मे॒ ।  
इन्द्रः॑ । च॒ । मे॒ । अ॒श्विनौ॑ । च॒ । मे॒ । इन्द्रः॑ । च॒ । मे॒ । म॒रुतः॑ । च॒ । मे॒ । इन्द्रः॑  
। च॒ । मे॒ । विश्वे॑ । च॒ । मे॒ । दे॒वाः । इन्द्रः॑ । च॒ । मे॒ । पृथि॑वी । च॒ । मे॒ । इन्द्रः॑  
। च॒ । मे॒ । अ॒न्तरि॑क्षम् । च॒ । मे॒ । इन्द्रः॑ । च॒ । मे॒ । द्यौः॑ । च॒ । मे॒ ( ) । इन्द्रः॑ ।  
च॒ । मे॒ । दिशः॑ । च॒ । मे॒ । इन्द्रः॑ । च॒ । मे॒ । मूर्द्धा॑ । च॒ । मे॒ । इन्द्रः॑ । च॒ । मे॒ ।  
प्र॒जाप॑तिरिति॒ प्र॒जा - प॒तिः॑ । च॒ । मे॒ । इन्द्रः॑ । च॒ । मे॒ ॥

## 13 TS 4.7.7.1

### TS 4.7.7.1

#### Samhita Paata

अ॒शु॒श्च॑ मे र॒श्मिश्च॑ मे ऽद॑भि॒श्च॒ मेऽधि॑पतिश्च मउपा॒शु॒श्च॑ मे ऽन्तर्या॑मश्च॒ म ऐ॒न्द्रवा॒य॒वश्च॑ मे  
मै॒त्राव॑रु॒णश्च॑ म आ॒श्विन॑श्च॒ मे प्र॒तिप्र॑स्थान॒श्च॒ मे शु॒क्रश्च॑ मे म॒न्थी च॑ म आ॒ग्र॒य॒णश्च॑ मे वै॒श्वदे॒वश्च॑ मे  
ध्रु॒वश्च॑ मे वै॒श्वान॑रश्च॒ म ऋ॒तु॒ग्र॒हाश्च॑- [ ]

### Pada Paata

अ॒शुः । च॒ । मे॒ । र॒श्मिः । च॒ । मे॒ । अ॒द॑भि॒ः । च॒ । मे॒ । अ॒धि॑पतिरित्यधि॑ - प॒तिः  
। च॒ । मे॒ । उ॒पा॒शु॒रित्यु॑प-अ॒शुः । च॒ । मे॒ । अ॒न्तर्या॑म इत्यन्तः-या॒मः । च॒ । मे॒ ।  
ऐ॒न्द्रवा॒य॒व इत्यै॑न्द्र-वा॒य॒वः । च॒ । मे॒ । मै॒त्राव॑रु॒ण इति॑ मै॒त्रा - व॒रु॒णः । च॒ । मे॒ । आ॒श्विनः  
। च॒ । मे॒ । प्र॒तिप्र॑स्थान॒ इति॑ प्र॒ति - प्र॑स्थानः । च॒ । मे॒ । शु॒क्रः । च॒ । मे॒ । म॒न्थी ।  
च॒ । मे॒ । आ॒ग्र॒य॒णः । च॒ । मे॒ । वै॒श्वदे॒व इति॑ वै॒श्व - दे॒वः । च॒ । मे॒ । ध्रु॒वः । च॒ । मे॒ ।  
। वै॒श्वान॑रः । च॒ । मे॒ । ऋ॒तु॒ग्र॒हा इत्यृ॑तु - ग्र॒हाः । च॒ ।

## 14 TS 4.7.7.2

### TS 4.7.7.2

### Samhita Paata

मे ऽति॒ग्रा॒ह्या॑श्च॒ म ऐ॒न्द्रा॒ग्र॒श्च॑ मे वै॒श्वदे॒वश्च॑ मेमरु॒त्व॒तीया॑श्च॒ मे मा॒हेन्द्र॑श्च॒ म आ॒दि॒त्यश्च॑ मे सा॒वि॒त्रश्च॑  
मेसा॒रस्व॑तश्च॒ मे पौ॒ष्णश्च॑ मे पा॒त्नीव॑तश्च॒ मे हा॒रि॒यो॒ज॒नश्च॑ मे ॥

### Pada Paata

मे । अ॒ति॒ग्रा॒ह्या॑ इत्य॑ति॒-ग्रा॒ह्याः॑ । च॒ । मे॒ । ऐ॒न्द्रा॒ग्र इत्यै॑न्द्र-अ॒ग्रः । च॒ । मे॒ । वै॒श्व॒दे॒व  
इति॑ वै॒श्व - दे॒वः । च॒ । मे॒ । म॒रु॒त्व॒तीयाः॑ । च॒ । मे॒ । मा॒हे॒न्द्र इति॑ मा॒हा - इ॒न्द्रः । च॒  
। मे॒ । आ॒दि॒त्यः । च॒ । मे॒ । सा॒वि॒त्रः । च॒ । मे॒ । सा॒र॒स्व॒तः । च॒ । मे॒ । पौ॒ष्णः  
। च॒ । मे॒ । पा॒त्नी॒व॒त इति॑ पा॒त्नी-व॒तः । च॒ । मे॒ । हा॒रि॒यो॒ज॒न इति॑ हा॒रि-यो॒ज॒नः । च॒ । मे॒ ॥

## 15 TS 4.7.8.1

### TS 4.7.8.1

#### Samhita Paata

इ॒ध्मश्च॑ मे॒ ब॒रु॒हिश्च॑ मे॒ वेदि॑श्च॒ मे॒ धि॒ष्णि॒याश्च॑ मे॒ सु॒च॑श्च॒ मे॒ च॒म॒साश्च॑ मे॒ ग्रा॒वा॒णश्च॑ मे॒ स्वर॑वश्च॒  
म॒उ॒प॒र॒वाश्च॑ मे॒ ऽधि॒ष॒व॒णे च॑ मे॒ द्रो॒ण॒क॒ल॒शश्च॑ मे॒ वा॒य॒व्या॑नि च॒ मे॒ पू॒त॒भृ॒च्च॑ म॒ आ॒ध॒व॒नी॒यश्च॑ म॒  
आ॒ग्नी॑द्वं च॒ मे॒ ह॒वि॒र्द्वा॒नं च॑ मे॒ गृ॒हाश्च॑ ( ) मे॒ स॒द॑श्च॒ मे॒ पु॒रो॒डा॒शाश्च॑ मे॒ प॒च॒ताश्च॑ मे॒ ऽव॒भृ॒थश्च॑ मे॒  
स्व॒गा॒का॒रश्च॑ मे॒ ॥

#### Pada Paata

इ॒ध्मः । च॒ । मे॒ । ब॒रु॒हिः । च॒ । मे॒ । वेदि॑ः । च॒ । मे॒ । धि॒ष्णि॒याः । च॒ । मे॒ ।  
सु॒च॑ः । च॒ । मे॒ । च॒म॒साः । च॒ । मे॒ । ग्रा॒वा॒णः । च॒ । मे॒ । स्वर॑वः । च॒ । मे॒ ।  
उ॒प॒र॒वा इत्यु॑प - र॒वाः । च॒ । मे॒ । अ॒धि॒ष॒व॒णे इत्य॑धि - स॒व॒ने । च॒ । मे॒ । द्रो॒ण॒क॒ल॒श इति॑  
द्रो॒ण-क॒ल॒शः । च॒ । मे॒ । वा॒य॒व्या॑नि । च॒ । मे॒ । पू॒त॒भृ॒दिति॑ पू॒त - भृ॒त् । च॒ । मे॒ ।  
आ॒ध॒व॒नी॒य इत्या॑ - ध॒व॒नी॒यः । च॒ । मे॒ । आ॒ग्नी॑द्व॒मित्या॑ग्नि-इ॒द्वम् । च॒ । मे॒ । ह॒वि॒र्द्वा॒नमिति॑

हविः - धानम् । च । मे । गृहाः । च ( ) । मे । सदेः । च । मे । पुरोडाशाः । च । मे । पचताः । च । मे । अवभृथ इत्यव - भृथः । च । मे । स्वगाकार इति स्वगा - कारः । च । मे ॥

## 16 TS 4.7.9.1

### TS 4.7.9.1

#### Samhita Paata

अग्निश्च मे घर्मश्च मेऽर्कश्च मे सूर्यश्च मे प्राणश्च मे ऽश्वमेधश्च मे पृथिवी च मे ऽदितिश्च मे दितिश्च मे द्यौश्च मे शक्ररीरङ्गुलयो दिशश्च मे यज्ञेन कल्पन्ता- मृक्च मे सामं च मे स्तोमश्च मे यजुश्च मे दीक्षा ( ) च मे तपश्च म ऋतुश्च मे व्रतं च मे ऽहोरात्रयो वृष्ट्या बृहद्रथन्तरे च मे यज्ञेन कल्पेतां ॥

#### Pada Paata

अग्निः । च । मे । घर्मः । च । मे । अर्कः । च । मे । सूर्यः । च । मे । प्राण इति प्र - अनः । च । मे । अश्वमेध इत्यश्व-मेधः । च । मे । पृथिवी । च । मे । अदितिः । च । मे । दितिः । च । मे । द्यौः । च । मे । शक्ररीः । अङ्गुलयः । दिशः । च । मे । यज्ञेन । कल्पन्ताम् । ऋक् । च । मे । सामं । च । मे । स्तोमः । च । मे । यजुः । च । मे । दीक्षा ( ) । च । मे । तपः । च । मे । ऋतुः । च । मे । व्रतम् । च । मे । अहोरात्रयोरित्यहः - रात्रयोः । वृष्ट्या । बृहद्रथन्तरे इति बृहत् - रथन्तरे । च । मे । यज्ञेन । कल्पेताम् ॥



## 17 TS 4.7.10.1

### TS 4.7.10.1

#### Samhita Paata

गर्भाश्च मे वृत्साश्च मे त्र्यविंश्च मे त्र्यवी च मे दित्यवाट् च मे दित्यौही च मे पञ्चाविश्च मे पञ्चावी  
च मे त्रिवृत्सश्च मे त्रिवृत्सा च मे तुर्यवाट् च मे तुर्यौही च मे पष्ठवाच् च मे पष्ठौही च म उक्षा  
च मे वृशा च म ऋषभश्च - [ ]

#### Pada Paata

गर्भाः । च । मे । वृत्साः । च । मे । त्र्यविरितिं त्रि - अविः । च । मे । त्र्यवीतिं त्रि -  
अवी । च । मे । दित्यवाडिति दित्य - वाट् । च । मे । दित्यौही । च । मे । पञ्चाविरिति  
पञ्च - अविः । च । मे । पञ्चावीतिं पञ्च-अवी । च । मे । त्रिवृत्स इति त्रि-वृत्सः । च ।  
मे । त्रिवृत्सेति त्रि - वृत्सा । च । मे । तुर्यवाडिति तुर्य - वाट् । च । मे । तुर्यौही । च  
। मे । पष्ठवादिति पष्ठ - वात् । च । मे । पष्ठौही । च । मे । उक्षा । च । मे । वृशा  
। च । मे । ऋषभः । च ।

## 18 TS 4.7.10.2

### TS 4.7.10.2

#### Samhita Paata

मे वेहच्च॑ मे ऽनु॒द्वान् च॑ मे धे॒नुश्च॑ म॒ आयु॑र्यज्ञेन॑ कल्पतां प्रा॒णो य॒ज्ञेन॑ कल्पता-मपा॒नो य॒ज्ञेन॑ कल्पतां  
 व्या॒नो य॒ज्ञेन॑ कल्पतां चक्षु॑-र्यज्ञेन॑ कल्पतां॒ श्रोत्रं॑ य॒ज्ञेन॑ कल्पतां मनो॑ य॒ज्ञेन॑ कल्पतां वाग् य॒ज्ञेन॑  
 कल्पता-मा॒त्मा य॒ज्ञेन॑ कल्पतां य॒ज्ञो य॒ज्ञेन॑ कल्पतां ॥

### Pada Paata

म॒ । वे॒हत् । च॒ । मे॒ । अ॒नु॒द्वान् । च॒ । मे॒ । धे॒नुः । च॒ । मे॒ । आ॒युः । य॒ज्ञेन॑ ।  
 क॒ल्प॒ताम् । प्रा॒ण इति॑ प्र - अ॒नः । य॒ज्ञेन॑ । क॒ल्प॒ताम् । अ॒पा॒न इत्य॑प - अ॒नः । य॒ज्ञेन॑ ।  
 क॒ल्प॒ताम् । व्या॒न इति॑ वि - अ॒नः । य॒ज्ञेन॑ । क॒ल्प॒ताम् । चक्षुः॑ । य॒ज्ञेन॑ । क॒ल्प॒ताम् ।  
 श्रो॒त्रम् । य॒ज्ञेन॑ । क॒ल्प॒ताम् । मनः॑ । य॒ज्ञेन॑ । क॒ल्प॒ताम् । वाक् । य॒ज्ञेन॑ । क॒ल्प॒ताम् ।  
 आ॒त्मा । य॒ज्ञेन॑ । क॒ल्प॒ताम् । य॒ज्ञः । य॒ज्ञेन॑ । क॒ल्प॒ताम् ॥

## 19 TS 4.7.11.1

### TS 4.7.11.1

### Samhita Paata

एका॑ च मे त्रि॒स्रश्च॑ मे पञ्च॑ च मे स॒प्त च॑ मे नव॑ च म॒ एका॑दश च मे त्रयो॑दश च मे पञ्च॑दश च मे  
 स॒प्तद॑श च मे नव॑दश च म॒ एक॑विंशतिश्च मे त्रयो॑विंशतिश्च मे पञ्च॑विंशतिश्च मे स॒प्तविं॑शतिश्च  
 मे नव॑विंशतिश्च म॒ एक॑त्रिंशच्च मे त्रय॑स्त्रिंशच्च- [ ]

### Pada Paata

एका॑ । च॒ । मे॒ । तिस्रः॑ । च॒ । मे॒ । पञ्च॑ । च॒ । मे॒ । सप्त॑ । च॒ । मे॒ । नव॑ । च॒ । मे॒ ।  
 । एका॑दश । च॒ । मे॒ । त्रयो॑दशेति॒ त्रयः॑ - दश॑ । च॒ । मे॒ । पञ्च॑दशेति॒ पञ्च॑-दश॑ । च॒ । मे॒ ।  
 । सप्त॑दशेति॒ सप्त॑ - दश॑ । च॒ । मे॒ । नव॑दशेति॒ नव॑ - दश॑ । च॒ । मे॒ । एक॑विंशतिरित्येकं  
 - विंश॑तिः । च॒ । मे॒ । त्रयो॑विंशतिरिति॒ त्रयः॑-विंश॑तिः । च॒ । मे॒ । पञ्च॑विंशतिरिति॒  
 पञ्च॑-विंश॑तिः । च॒ । मे॒ । सप्त॑विंशतिरिति॒ सप्त॑-विंश॑तिः । च॒ । मे॒ । नव॑विंशतिरिति॒  
 नव॑ - विंश॑तिः । च॒ । मे॒ । एक॑त्रिंशदित्येकं - त्रिंश॑त् । च॒ । मे॒ । त्रय॑स्त्रिंशदिति॒ त्रयः॑  
 - त्रिंश॑त् । च॒ ।

## 20 TS 4.7.11.2

### TS 4.7.11.2

#### Samhita Paata

मे॒ चत॑स्रश्च॒ मे॒ ऽष्टौ च॒ मे॒ द्वाद॑श च॒ मे॒ षोड॑श च॒ मे॒ विंश॑तिश्च॒ मे॒ चतु॑र्विंशतिश्च॒ मे॒ ऽष्टा॑विंशतिश्च॒  
 मे॒ द्वात्रि॑ंशच्च॒ मे॒ षट्-त्रिं॑शच्च॒ मे॒ चत्वारि॑ंशच्च॒ मे॒ चतु॑श्चत्वारिंशच्च॒ मे॒ ऽष्टा॑चत्वारिंशच्च॒ मे॒ वाज॑श्च॒  
 प्रस॑वश्चा॒-पि॒जश्च॒ ऋतु॑श्च॒ सुव॑श्च॒ मूर्द्धा॑ च॒ व्य॒श्नि॒यश्चा॒- ( ) -न्त्या॑य॒नश्चा॒- न्त्य॑श्च॒ भौव॑नश्च॒ भुव॑नश्चा॒-  
 धि॑पतिश्च॒ ॥

#### Pada Paata

मे॒ । चत॑स्रः । च॒ । मे॒ । अ॒ष्टौ । च॒ । मे॒ । द्वाद॑श । च॒ । मे॒ । षोड॑श । च॒ । मे॒ ।  
 विंश॑तिः । च॒ । मे॒ । चतु॑र्विंशतिरिति॒ चतुः॑ - विंश॑तिः । च॒ । मे॒ । अ॒ष्टा॑विंशतिरित्य॒ष्टा  
 - विंश॑तिः । च॒ । मे॒ । द्वात्रि॑ंशत् । च॒ । मे॒ । षट्त्रि॑ंशदिति॒ षट् - त्रिंश॑त् । च॒ ।

मे । चत्वारिंशत् । च । मे । चतुश्चत्वारिंशदिति चतुः - चत्वारिंशत् । च । मे ।  
 अष्टाचत्वारिंशदित्यष्टा - चत्वारिंशत् । च । मे । वाजः । च । प्रसव इति प्र - सवः ।  
 च । अपिज इत्यपि-जः । च । क्रतुः । च । सुवः । च । मूर्द्धा । च । व्यश्निय इति वि  
 - अश्नियः ( ) । च । अन्त्यायनः । च । अन्त्यः । च । भौवनः । च । भुवनः । च ।  
 अधिपतिरित्यधि - पतिः । च ॥

## 21 TS 4.7.12.1

### TS 4.7.12.1

#### Samhita Paata

वाजो॑ नः सु॒प्त प्र॒दिश॑श्चत॒स्रो वा प॒राव॑तः । वाजो॑ नो॒ विश्वे॑ दे॒वैर्धन॑सातावि॒हाव॑तु ॥ विश्वे॑ अ॒द्य  
 म॒रुतो॑ विश्वं॒ ऊ॒ती विश्वे॑ भवन्त्व॒ग्नयः॑ समि॒द्धाः । विश्वे॑ नो दे॒वा अव॑साऽऽ ग॑मन्तु विश्व॑मस्तु द्रवि॑णं  
 वाजो॑ अ॒स्मे ॥ वाज॑स्य प्रस॒वं दे॒वा रथै॑र्याता हिर॒ण्ययैः॑ । अ॒ग्नि॒रिन्द्रो॑ बृ॒हस्प॑तिर्म॒रुतः॑ सोम॑पीतये  
 ॥ वाजे॑वाजे ऽव॑त वाजिनो नो धनेषु - [ ]

#### Pada Paata

वाजः॑ । नः । सु॒प्त । प्र॒दिश॑ इति प्र - दिशः । चत॒स्रः । वा । प॒राव॑त इति परा - वतः ॥  
 वाजः॑ । नः । विश्वे॑ । दे॒वैः । धन॑सातावि॒ति धन॑ - सा॒तौ । इ॒ह । अव॑तु ॥ विश्वे॑ । अ॒द्य  
 । म॒रुतः॑ । विश्वे॑ । ऊ॒ती । विश्वे॑ । भव॑न्तु । अ॒ग्नयः॑ । समि॒द्धा इति सं - इ॒द्धाः ॥ विश्वे॑  
 । नः । दे॒वाः । अव॑सा । ए॒ति । ग॑मन्तु । विश्व॑म् । अ॒स्तु । द्रवि॑णम् । वाजः॑ । अ॒स्मे

इति॑ ॥ वाज॑स्य । प्र॒स॒वमि॑ति॒ प्र - सु॒वम् । दे॒वाः । रथैः॑ । या॒त । हि॒र॒ण्य॒यैः॑ ॥ अ॒ग्निः ।  
इन्द्रः॑ । बृ॒ह॒स्पतिः॑ । म॒रुतः॑ । सोम॑पीत॒य इति॑ सोम॑ - पी॒तये॑ ॥ वाजे॑वाज॒ इति॑ वाजे॑ - वा॒जे  
। अ॒व॒त् । वा॒जिनः॑ । नः॑ । ध॒नेषु॑ ।

## 22 TS 4.7.12.2

### TS 4.7.12.2

#### Samhita Paata

वि॒प्रा अ॒मृता॑ ऋ॒त॒ज्ञाः । अ॒स्य म॒द्धः पि॒बत॑ मा॒दय॑द्धं॒ तृ॒प्ता या॑त॒ प॒थिभि॑र्दे॒व्या॒नैः॑ ॥ वाजः॑  
पु॒रस्ता॑दु॒त म॑द्ध॒यतो॑ नो॒ वाजो॑ दे॒वाः ऋ॒तुभिः॑ क॒ल्पया॑ति । वाज॑स्य॒ हि प्र॑स॒वो न॒न्नमी॑ति॒ विश्वा॑  
आ॒शा वाज॑पति॒र्भवे॑यं ॥ प॒यः पृ॒थि॒व्यां प॒य ओष॑धीषु॒ पयो॑ दि॒व्यन्त॑रि॒क्षे प॒यो धां॑ । प॒यस्व॑तीः  
प्र॒दिशः॑ स॒न्तु म॒ह्यं ॥ सं मा॑ सृ॒जामि॑ प॒यसा॑ घृ॒तेन॑ सं मा॑ सृ॒जाम्य॒प - [ ]

#### Pada Paata

वि॒प्राः । अ॒मृताः॑ । ऋ॒त॒ज्ञा इत्यृ॑त - ज्ञाः ॥ अ॒स्य । म॒द्धः । पि॒ब॒त् । मा॒दय॑द्धम् । तृ॒प्ताः  
। या॒त । प॒थिभि॑रिति॒ प॒थि - भिः॑ । दे॒व्या॒नैरिति॑ दे॒व - या॒नैः॑ ॥ वाजः॑ । पु॒रस्ता॑त् । उ॒त ।  
म॑द्ध॒यतः॑ । नः॑ । वाजः॑ । दे॒वान् । ऋ॒तुभि॑रित्यृ॒तु - भिः॑ । क॒ल्पया॑ति ॥ वाज॑स्य । हि ।  
प्र॒स॒व इति॑ प्र - सु॒वः । न॒न्नमी॑ति । विश्वाः॑ । आ॒शाः । वाज॑पति॒रिति॑ वाज॑ - प॒तिः । भ॒वे॒यम्  
॥ प॒यः । पृ॒थि॒व्याम् । प॒यः । ओष॑धीषु । प॒यः । दि॒वि । अ॒न्तरि॑क्षे । प॒यः । धा॒म् ॥  
प॒यस्व॑तीः । प्र॒दिश॑ इति॒ प्र - दि॑शः । स॒न्तु । म॒ह्यम् ॥ स॒मिति॑ । मा॒ । सृ॒जामि॑ । प॒यसा॑

। घृतेन । समिति । मा । सृजामि । अपः ।

## 23 TS 4.7.12.3

TS 4.7.12.3

Samhita Paata

ओषधीभिः । सोऽहं वाजं सनेयमग्रे ॥ नक्तोषासा समनसा विरूपे धापयेते शिशुमेकं समीची  
। द्यावा क्षामा रुक्मो अन्तर्वि भाति देवा अग्निं धारयन् द्रविणोदाः ॥ समुद्रोऽसि नभस्वानार्द्रदानुः  
शभूर्मयोभूरभि मां वाहि स्वाहा मारुतोऽसि मरुतां गणः शभूर्मयोभूरभि मां वाहि स्वाहाऽवस्युरसि  
दुवस्वाञ्छभूर्मयोभूरभि मां ( ) वाहि स्वाहा ॥

Pada Paata

ओषधीभिरित्योषधि - भिः ॥ सः । अहम् । वाजम् । सनेयम् । अग्रे ॥ नक्तोषासा । समनसेति  
स-मनसा । विरूपे इति वि-रूपे । धापयेते इति । शिशुम् । एकम् । समीची इति ॥ द्यावा ।  
क्षामा । रुक्मः । अन्तः । वीति । भाति । देवाः । अग्निम् । धारयन् । द्रविणोदा इति द्रविणः  
- दाः ॥ समुद्रः । असि । नभस्वान् । आर्द्रदानुरित्यार्द्र-दानुः । शभूरिति शं-भूः । मयोभूरिति  
मयः-भूः । अभीति । मा । वाहि । स्वाहा । मारुतः । असि । मरुताम् । गणः । शभूरिति  
शं - भूः । मयोभूरिति मयः - भूः । अभीति । मा । वाहि । स्वाहा । अवस्युः । असि ।  
दुवस्वान् । शभूरिति शं - भूः । मयोभूरिति मयः - भूः । अभीति । मा ( ) । वाहि । स्वाहा ॥

## 24 TS 4.7.13.1

### TS 4.7.13.1

#### Samhita Paata

अ॒ग्निं॑ यु॒नज्मि॑ श॒वंसा॑ घृ॒तेन॑ दि॒व्यः॑ सु॒पर्णं॑ व॒यंसा॑ बृ॒हन्तं॑ । तेन॑ व॒यं प॑तेम ब्र॒ह्मस्य॑ वि॒ष्टपः॑ सु॒वो॑  
रु॒हाणा॑ अ॒धि नाकं॑ उ॒त्तमे॑ ॥ इ॒मौ ते॑ प॒क्षाव॑जरौ प॒त॒त्रिणो॑ या॒भ्याः॑ र॒क्षाः॑-स्य॒प॒हः॑-स्य॒ग्रे । ता॒भ्यां  
प॒तेम सु॒कृता॑मु॒ लोकं॑ य॒त्र ऋष॑यः प्रथ॒मजा॑ ये पु॒राणाः॑ ॥ चि॒द॒सि स॒मु॒द्रयो॑नि॒रिन्दु॑र्दक्षः श्ये॒न ऋ॒तावा॑  
। हि॒र॒ण्यप॑क्षः शकु॒नो भु॑र॒ण्यु-र्म॒हान्थ॑ स॒धस्थे॑ ध्रु॒व - [ ]

#### Pada Paata

अ॒ग्निम् । यु॒नज्मि॑ । श॒वंसा॑ । घृ॒तेन॑ । दि॒व्यम् । सु॒पर्णमि॑ति सु - पर्णम् । व॒यंसा॑ । बृ॒हन्त॑म्  
॥ तेन॑ । व॒यम् । प॒तेम् । ब्र॒ह्मस्य॑ । वि॒ष्टप॑म् । सु॒वः । रु॒हाणाः॑ । अधी॑ति । नाकं॑ ।  
उ॒त्तम॑ इत्यु॒त् - तमे॑ ॥ इ॒मौ । ते॑ । प॒क्षौ । अ॒जरौ । प॒त॒त्रिणः॑ । या॒भ्याम् । र॒क्षाः॑सि  
। अ॒प॒हः॑सीत्य॒प - हः॑सि । अ॒ग्रे ॥ ता॒भ्याम् । प॒तेम् । सु॒कृता॑मि॒ति सु - कृता॑म् । उ॒  
। लो॒कम् । य॒त्र । ऋष॑यः । प्र॒थ॒मजा॑ इति प्रथम - जाः । ये । पु॒राणाः॑ ॥ चि॒त् ।  
अ॒सि । स॒मु॒द्रयो॑नि॒रिति॑ स॒मु॒द्र - योनिः॑ । इ॒न्दुः । दक्षः॑ । श्ये॒नः । ऋ॒तावे॑त्यु॒त् - वा ॥  
हि॒र॒ण्यप॑क्ष इति हि॒र॒ण्य - प॒क्षः । शकु॒नः । भु॑र॒ण्युः । म॒हान् । स॒धस्थ॑ इति स॒ध - स्थे॑ । ध्रु॒वः ।

## 25 TS 4.7.13.2

### TS 4.7.13.2

#### Samhita Paata

आ निष॑न्तः ॥ नम॑स्ते अस्तु॒ मा मां हि॒ऽसीर्वि॑श्व॑स्य मूर्द्ध॑न्नधि॑ तिष्ठ॑सि श्रि॑तः । स॒मु॒द्रे ते हृद॑य-  
म॒न्तरा॑यु-द्या॒वापृ॑थि॒वी भुव॑नेष्वर्पि॑ते ॥ उ॒द्रो द॑त्तोद॒धिं भि॑न्त दि॒वः प॒र्जन्या॑दु॒न्तरि॑क्षात् पृथि॒व्यास्ततो॑  
नो वृ॑ष्ट्या॒वत । दि॒वो मूर्द्धा॑ऽसि॑ पृथि॒व्या नाभि॑रूर्ग॒पामोष॑धीनां । वि॒श्वायुः॑ शर्म॑ स॒प्रथा॑ नम॑स्प॒थे ॥  
येन॑रू॒षय॑स्तप॑सा स॒त्र - [ ]

#### Pada Paata

एति॑ । निष॑न्त इति॒ नि - स॒त्तः ॥ नमः॑ । ते । अ॒स्तु । मा । मा । हि॒ऽसीः । वि॒श्वस्य॑ ।  
मूर्द्ध॑न् । अधी॑ति । तिष्ठ॑सि । श्रि॑तः ॥ स॒मु॒द्रे । ते । हृद॑यम् । अ॒न्तः । आ॒युः । द्या॒वापृ॑थि॒वी  
इति॑ द्या॒वा - पृ॑थि॒वी । भुव॑नेषु । अर्पि॑ते इति॑ ॥ उ॒द्रः । द॒त्त । उ॒द॒धिमि॑त्यु॒द - धि॑म् । भि॑न्त  
। दि॒वः । प॒र्जन्या॑त् । अ॒न्तरि॑क्षात् । पृथि॒व्याः । ततः॑ । नः । वृ॑ष्ट्या । अ॒व॒त ॥ दि॒वः  
। मूर्द्धा॑ । अ॒सि । पृथि॒व्याः । नाभिः॑ । ऊ॒र्क् । अ॒पाम् । ओष॑धीनाम् ॥ वि॒श्वायु॑रिति॑ वि॒श्व  
- आ॒युः । शर्म॑ । स॒प्रथा॑ इति॑ स - प्र॒थाः । नमः॑ । प॒थे ॥ येन॑ । ऋष॑यः । तप॑सा । स॒त्रम् ।



## 26 TS 4.7.13.3

### TS 4.7.13.3

#### Samhita Paata

मास॒तेन्धा॑ना अ॒ग्निः सु॒वरा॑भर॒न्तः । तस्मि॑न्न॒हं नि द॑धे नाके अ॒ग्निमे॒तं य॒माहु॑र्मन॒व स्ती॒र्णब॑र॒हिषं  
॥ तं प॒त्नीभि॑रनु॒ गच्छे॑म दे॒वाः पु॒त्रैर्भ्रा॑तृभि॒रुत॑ वा॒ हिर॑ण्यैः । नाकं॑ गृ॒ह्णा॒नाः सु॒कृत॑स्य॒ लोके॑  
तृती॑ये पृ॒ष्ठे अधि॑ रोच॒ने दि॒वः ॥ आ वा॒चो म॒द्भ्य॑-म॒रुह॑द्-भु॒रण्यु॑रय-म॒ग्निः सत्प॑ति॒श्चेकि॑तानः । पृ॒ष्ठे  
पृथि॑व्या निहि॑तो॒ दर्वि॑द्युतदध॒स्पदं॑ कृ॒णुते॑ - [ ]

#### Pada Paata

आस॑त । इन्धा॑नाः । अ॒ग्निम् । सु॒वः । आ॒भर॑न्त॒ इत्या॑ - भर॑न्तः ॥ तस्मि॑न्न । अ॒हम् ।  
नीति॑ । द॒धे । नाके॑ । अ॒ग्निम् । ए॒तम् । यम् । आ॒हुः । मन॑वः । स्ती॒र्णब॑र॒हिषमि॑ति स्ती॒र्ण  
- ब॒रु॒हिष॑म् ॥ तम् । प॒त्नीभिः॑ । अ॒न्वि॑ति । ग॒च्छे॑म् । दे॒वाः । पु॒त्रैः । भ्रा॑तृभि॒रिति॑ भ्रा॑तृ -  
भिः । उ॒त । वा॒ । हिर॑ण्यैः ॥ नाकं॑ । गृ॒ह्णा॒नाः । सु॒कृत॑स्येति॒ सु - कृत॑स्य । लो॒के ।  
तृती॑ये । पृ॒ष्ठे । अधि॑ति । रोच॒ने । दि॒वः ॥ ए॒ति । व॒चः । म॒द्भ्यम् । अ॒रु॒हत् । भु॒रण्युः ।  
अ॒यम् । अ॒ग्निः । सत्प॑ति॒रिति॑ सत् - प॒तिः । चेकि॑तानः ॥ पृ॒ष्ठे । पृथि॑व्याः । निहि॑त॒ इति॑  
नि - हि॒तः । दर्वि॑द्युतत् । अ॒ध॒स्प॒दमित्य॑धः - प॒दम् । कृ॒णुते॑ ।

## 27 TS 4.7.13.4

### TS 4.7.13.4

#### Samhita Paata

ये पृतन्यवः ॥ अयमग्निर्वीरतमो वयोधाः सहस्रियो दीप्यतामप्रयुच्छन् । विभ्राजमानः सरिरस्य  
मद्ध्य उप प्र यात दिव्यानि धाम ॥ सं प्र च्यवद्धमनु सं प्र याताग्रे पथो देवयानान् कृणुद्धं  
। अस्मिन् सधस्थे अद्ध्युत्तरस्मिन् विश्वे देवा यजमानश्च सीदत ॥ येना सहस्रं वहसि येनाग्रे  
सर्ववेदसं । तेनेमं यज्ञं नो वह देवयानो य - [ ]

#### Pada Paata

ये । पृतन्यवः ॥ अयम् । अग्निः । वीरतम् इति वीर - तम् । वयोधा इति वयः - धाः  
। सहस्रियः । दीप्यताम् । अप्रयुच्छन्नित्यप्र - युच्छन् ॥ विभ्राजमान इति वि - भ्राजमानः ।  
सरिरस्य । मद्ध्यै । उप । प्रेति । यात । दिव्यानि । धाम ॥ सम् । प्रेति । च्यवद्धम् ।  
अन्विति । सम् । प्रेति । यात । अग्रे । पथः । देवयानानिति देव - यानान् । कृणुद्धम् ॥  
अस्मिन् । सधस्थ इति सध - स्थे । अधीति । उत्तरस्मिन्नित्युत्तरस्मिन् । विश्वे । देवाः ।  
यजमानः । च । सीदत ॥ येन । सहस्रम् । वहसि । येन । अग्रे । सर्ववेदसमिति सर्व -  
वेदसम् ॥ तेन । इमम् । यज्ञम् । नः । वह । देवयान इति देव - यानः । यः ।

## 28 TS 4.7.13.5

TS 4.7.13.5

Samhita Paata

उ॒त्त॒मः ॥ उ॒द्-बु॒द्धय॑स्वा॒ग्ने प्र॒ति जा॒गृ॒ह्येन॑ मि॒ष्टा॒पूर्ते॑ सः॒ सृ॒जे॒थाम॒यं च॑ । पु॒नः कृ॒ण्वः॑स्त्वा॒ पि॒तरं॑  
यु॒वा॒न-म॒न्वा॒ताः॑सी॒त् त्वयि॑ तन्तु॒मे॒तं ॥ अ॒यं ते॑ यो॒निर्ऋ॒त्वि॒यो यतो॑ जा॒तो अ॒रोच॑थाः । तं  
जा॒नन्न॑ आ रो॒हा॒था नो॑ व॒र्द्ध॒या रु॒यिं ॥

Pada Paata

उ॒त्त॒म इत्यु॑त्-त॒मः ॥ उ॒दि॒तिं । बु॒द्धय॑स्व । अ॒ग्ने । प्र॒ती॒तिं । जा॒गृ॒हि । ए॒न॒म् । इ॒ष्टा॒पूर्ते॑ इती॒ष्टा  
- पूर्ते॑ । स॒मि॒तिं । सृ॒जे॒थाम् । अ॒यम् । च॒ ॥ पु॒नः । कृ॒ण्वन् । त्वा॒ । पि॒तर॑म् । यु॒वा॒नम्  
। अ॒न्वा॒ताः॑सी॒दित्य॑नु-आ॒ताः॑सी॒त् । त्वयि॑ । तन्तु॑म् । ए॒तम् ॥ अ॒यम् । ते॒ । यो॒निः ।  
ऋ॒त्वि॒यः । यतः॑ । जा॒तः । अ॒रोच॑थाः ॥ तम् । जा॒नन् । अ॒ग्ने । ए॒ति । रो॒ह॒ । अथ॑ ।  
नः । व॒र्द्ध॒य॒ । रु॒यिम् ॥

## 29 TS 4.7.14.1

TS 4.7.14.1

Samhita Paata

म॒मा॒ग्ने व॒र्चो॑ वि॒ह्वेष्व॑स्तु व॒यं त्वे॒न्धा॒ना स्त॒नुवं॑ पु॒षेम॑ । म॒ह्यं न॑म॒न्तां प्र॒दि॒श॒श्चत॑स्र॒ स्त्वया॑-ऽ॒द्भ्यक्षे॑ण॒

पृ॒त॒ना जये॑म ॥ म॒म॑ दे॒वा वि॒ह॒वे सं॒न्तु॒ सर्व॑ इन्द्रा॑वन्तो म॒रुतो॑ वि॒ष्णु॑र॒ग्निः । म॒मा॒न्तरि॑क्ष म॒रु  
गो॒पम॑स्तु॒ मह्यं॑ वा॒तः प॒वतां॑ का॒मे अ॒स्मिन् ॥ म॒यि॑ दे॒वा द्र॒वि॒ण॒ माय॑जन्तां॒ मय्या॑ शी॒रस्तु॑ म॒यि॑  
दे॒वहू॑तिः । दै॒व्या॒ होता॑रा व॒निष॑न्त - [ ]

### Pada Paata

म॒म॑ । अ॒ग्ने॒ । व॒चैः॑ । वि॒ह॒वेष्वि॑ति॒ वि - ह॒वेषु॑ । अ॒स्तु॒ । व॒यम् । त्वा॒ । इन्द्रा॑नाः । त॒नुव॑म्  
। पु॒षेम् ॥ म॒ह्यम् । न॒मन्ता॑म् । प्र॒दि॒श इति॑ प्र - दि॒शः । च॒त॒स्रः । त्व॒या॑ । अ॒द्व्यक्षे॑णेत्यधि॑  
- अ॒क्षे॒ण॒ । पृ॒त॒नाः । ज॒ये॒म् ॥ म॒म॑ । दे॒वाः । वि॒ह॒व इति॑ वि - ह॒वे । स॒न्तु॒ । स॒र्वे॑ ।  
इन्द्रा॑वन्त॒ इतीन्द्र॑ - व॒न्तः । म॒रुतः॑ । वि॒ष्णुः॑ । अ॒ग्निः ॥ म॒म॑ । अ॒न्तरि॑क्षम् । उ॒रु॒ । गो॒पम्  
। अ॒स्तु॒ । म॒ह्यम् । वा॒तः । प॒वता॑म् । का॒मे॒ । अ॒स्मिन् ॥ म॒यि॑ । दे॒वाः । द्र॒वि॒णम् ।  
ए॒ति॑ । य॒जन्ता॑म् । म॒यि॑ । आ॒शी॒रित्या॑ - शीः । अ॒स्तु॒ । म॒यि॑ । दे॒वहू॑तिरिति॑ दे॒व - हू॒तिः  
॥ दै॒व्या॑ । होता॑रा । व॒निष॑न्त॒ ।

## 30 TS 4.7.14.2

### TS 4.7.14.2

### Samhita Paata

पूर्वे ऽरि॑ष्टाः स्याम॒ त॒नुवा॑ सु॒वीराः॑ ॥ मह्यं॑ यजन्तु॒ म॒म॒ यानि॑ ह॒व्याऽऽकू॑तिः स॒त्या म॒न॒सो मे॑ अस्तु  
। ए॒नो मा॒निगा॑ क॒त॒म॒च्च॒नाहं॑ वि॒श्वे दे॒वासो॑ अधि॒वोच॑ ता मे ॥ दे॒वीः॑ षडु॒र्वीरु॑रुणः कृ॒णोत॑ वि॒श्वे दे॒वा  
स इ॒ह वी॑रयद्धं । माहा॑स्महि प्र॒जया॑ मा त॒नूभि॑र्मा र॒धाम॑ द्विष॒ते सो॒म राज॑न् ॥ अ॒ग्नि॒र्म॒न्युं प्र॑ति॒नुद॑न्

पुरस्ता- [ ]

### Pada Paata

पूर्वे॑ । अरि॑ष्टाः । स्या॒म । त॒नुवा॑ । सु॒वीरा॒ इति॑ सु - वीराः॑ ॥ म॒ह्यम् । य॒जन्तु॑ । म॒म ।  
 या॒नि । ह॒व्या । आकू॑तिरित्या - कू॒तिः । स॒त्या । म॒नसः॑ । मे॒ । अ॒स्तु ॥ ए॒नः । मा ।  
 नी॒ति । गा॒म् । क॒त॒मत् । च॒न । अ॒हम् । वि॒श्वे॑ । दे॒वा॒सः । अधी॑ति । वो॒च॒त । मे॒ ॥  
 दे॒वीः । ष॒डुर्वी॑रिति॑ षट् - उ॒र्वीः । उ॒रु । नः॑ । कृ॒णो॒त् । वि॒श्वे॑ । दे॒वा॒सः । इ॒ह । वी॒र॒य॒द्धम्  
 ॥ मा । हा॒स्महि॑ । प्र॒जये॑ति प्र - ज॒या । मा । त॒नूभिः॑ । मा । र॒धाम॑ । द्वि॒ष॒ते । सो॒म ।  
 रा॒ज॒न् ॥ अ॒ग्निः । म॒न्युम् । प्र॒ति॒नु॒द॒न्निति॑ प्रति - नु॒द॒न् । पुरस्ता॑त् ।

## 31 TS 4.7.14.3

TS 4.7.14.3

### Samhita Paata

द॒द॒ब्धो गो॒पाः परि॑पाहि न॒स्त्वं । प्र॒त्यञ्चो॑ यन्तु नि॒गुतः॑ पु॒नस्ते॑ ऽमैषां॑ चि॒त्तं प्र॒बुधा॑ वि॒ने॒शत् ॥  
 धा॒ता धा॑त॒ृणां भुव॑नस्य॒ यस्पति॑ दे॒वः स॑वि॒तार॑म॒भि मा॑ति॒षाहं॑ । इ॒मं य॒ज्ञ म॒श्विनो॒भा बृ॒हस्पति॑ दे॒वाः  
 पौ॑न्तु॒ यज॑मानं न्य॒र्थात् ॥ उ॒रु॒व्यचा॑ नो म॒हिषः॑ शर्म॑ य॒ः स॒द॒स्मिन् ह॒वे पु॒रु॒हूतः॑ पु॒रु॒क्षु । स  
 नः॑ प्र॒जायै॑ हर्य॒श्च मृ॒डये॑न्द्र मा - [ ]

### Pada Paata

अद॑ब्धः । गो॒पा इति॑ गो - पाः । परी॑ति । पा॒हि । नः । त्वम् ॥ प्र॒त्यञ्चः । य॒न्तु ।  
 नि॒गुत् इति॑ नि - गुतः । पुनः॑ । ते । अ॒मा । ए॒षाम् । चि॒त्तम् । प्र॒बुधेति॑ प्र - बुधा॑ ।  
 वी॒ति । ने॒शत् ॥ धा॒ता । धा॒तृणा॑म् । भुव॑नस्य । यः । पतिः॑ । दे॒वम् । स॒वितार॑म् ।  
 अ॒भिमा॑ति॒षाह॑मित्य॒भिमा॑ति - साह॑म् ॥ इ॒मम् । य॒ज्ञम् । अ॒श्विना॑ । उ॒भा । बृ॒हस्प॑तिः । दे॒वाः  
 । पा॒न्तु । यज॑मानम् । न्य॒र्थादि॑ति नि- अ॒र्थात् ॥ उ॒रुव्य॑चा इत्यु॒रु-व्य॑चाः । नः । म॒हिषः ।  
 शर्म॑ । य॒स॒त् । अ॒स्मिन् । हवै॑ । पु॒रुहू॑त इति॑ पु॒रु - हू॒तः । पु॒रुक्षु॑ ॥ सः । नः । प्र॒जाय॑  
 इति॑ प्र - जायै॑ । ह॒र्यश्चेति॑ हरि - अ॒श्व । मृ॒डय॑ । इन्द्र॑ । मा ।

## 32 TS 4.7.14.4

TS 4.7.14.4

Samhita Paata

नो॑ रीरि॒षो मा परा॑ दाः ॥ ये नः॑ स॒पत्ना॑ अप॒ते भ॑वन्त्विन्द्रा॒ग्निभ्या॑मव॑ बा॒धाम॑हे तान् । वस॑वो  
 रु॒द्रा आ॑दित्या उ॒परि॑ स्पृशं॑ मो॒ग्रं चेत्ता॑रमधि रा॒जम॑क्रन् ॥ अ॒र्वाञ्च॑ मिन्द्र॑म॒मुतो॑ हवामहे यो गो॒जिद्-  
 धेन॑-जिद॑श्च-जिद्यः । इ॒मन्नो॑ य॒ज्ञं वि॑ह॒वे जु॑षस्वा॒स्य कु॑र्मो हरि॒वो मे॑दिनं॑ त्वा ॥

Pada Paata

नः । री॒रि॒षः । मा । परे॑ति । दाः ॥ ये । नः । स॒पत्नाः॑ । अपे॑ति । ते । भ॒वन्तु॑ ।  
 इन्द्रा॑ग्निभ्या॒मितीन्द्रा॑ग्नि-भ्या॒म् । अवे॑ति । बा॒धाम॑हे । तान् ॥ वस॑वः । रु॒द्राः । आ॑दित्याः ।

उ॒परि॒स्पृ॒श॒मित्यु॑परि - स्पृ॒श॒म् । मा॒ । उ॒ग्रम् । चे॒त्ता॑रम् । अ॒धि॒रा॒ज॒मित्य॑धि - रा॒जम् । अ॒क्र॒न्  
॥ अ॒र्वा॒ञ्च॒म् । इ॒न्द्र॒म् । अ॒मु॒तः । ह॒वा॒म॒हे । यः । गो॒जि॒दि॒तिं गो॑ - जि॒त् । ध॒न॒जि॒दि॒तिं ध॑न  
- जि॒त् । अ॒श्व॒जि॒दि॒त्य॑श्च - जि॒त् । यः ॥ इ॒मम् । नः॑ । य॒ज्ञम् । वि॒ह॒व इति॑ वि - ह॒वे ।  
जु॒ष॒स्व । अ॒स्य । कु॒र्मः । हरि॒व इति॑ हरि - वः॑ । मे॒दि॒न॒म् । त्वा॒ ॥

### 33 TS 4.7.15.1

#### TS 4.7.15.1

#### Samhita Paata

अ॒ग्ने॒र्मन्वे॑ प्रथ॒मस्य॑ प्रचे॒तसो॑ यं पाञ्च॑जन्यं ब॒हवः॑ स॒मि॒न्ध॒ते । वि॒श्व॒स्यां वि॒शि प्र॑वि॒वि॒शि॒वाऽस॑मी॒महे॑  
स नो॑ मु॒ञ्च॒त्वऽह॑सः ॥ य॒स्ये॒दं प्रा॒ण॒न्नि॒मि॒षद् य॒दे॒ज॒ति॒ य॒स्य जा॒तं ज॒न॒मा॒नं च॒ के॒वलं॑ । स्तो॒म्य॒ग्निं  
ना॒धि॒तो जो॑ह॒वीमि॑ स नो॑ मु॒ञ्च॒त्वऽह॑सः ॥ इ॒न्द्र॒स्य म॒न्ये प्रथ॑मस्य प्रचे॒तसो॑ वृ॒त्रघ्नः॑ स्तो॒मा उप॑  
मा॒मु॒पा॒गुः । यो दा॒शु॒षः सु॒कृ॒तो ह॒वमु॒प॒ गन्ता॑ - [ ]

#### Pada Paata

अ॒ग्नेः । म॒न्वे । प्र॒थ॒मस्य॑ । प्रचे॒तस॑ इति॑ प्र - चे॒तसः॑ । यम् । पाञ्च॑जन्यमि॒ति पाञ्च॑ - ज॒न्यम्  
। ब॒हवः॑ । स॒मि॒न्ध॒त इति॑ स॒म - इ॒न्ध॒ते ॥ वि॒श्व॒स्याम् । वि॒शि । प्र॒वि॒वि॒शि॒वाऽस॑मि॒ति प्र -  
वि॒वि॒शि॒वाऽस॑म् । ई॒म॒हे । सः । नः॑ । मु॒ञ्च॒तु । अ॒ह॒सः ॥ य॒स्य । इ॒दम् । प्रा॒ण॒दि॒तिं प्र -  
अ॒न॒त् । नि॒मि॒ष॒दि॒तिं नि॑ - मि॒ष॒त् । यत् । ए॒ज॒ति॒ । य॒स्य । जा॒तम् । ज॒न॒मा॒नम् । च॒ । के॒वलम्  
॥ स्तो॒मि॑ । अ॒ग्निम् । ना॒धि॒तः । जो॑ह॒वीमि॑ । सः । नः॑ । मु॒ञ्च॒तु । अ॒ह॒सः ॥ इ॒न्द्र॒स्य ।

मु॒न्ये । प्र॒थ॒मस्य॑ । प्र॒चे॒तस॑ इति॒ प्र - चे॒तसः॑ । वृ॒त्रघ्न॑ इति॒ वृ॒त्र-घ्नः॑ । स्तो॒माः । उ॒पेति॑ । मा॒म् । उ॒पागु॑रित्यु॒प - आगुः॑ ॥ यः । द॒ाशु॑षः । सु॒कृ॒त इति॑ सु - कृ॒तः । ह॒वम् । उ॒पेति॑ । ग॒न्ता ।

## 34 TS 4.7.15.2

### TS 4.7.15.2

#### Samhita Paata

स नो॑ मु॒ञ्च॒त्व॒ हंसः॑ ॥ यः स॒ग्रा॒मं न॑यति॒ सँ व॒शी यु॒धे यः पु॒ष्टानि॑ स॒सृज॑ति॒ त्रया॑णि । स्तो॒मीन्द्रं॑  
ना॒थि॒तो जो॑हवी॒मि स नो॑ मु॒ञ्च॒त्व॒ हंसः॑ ॥ म॒न्वे वा॑ मि॒त्रा व॒रुणा॑ तस्य॑ वि॒त्त॒ स॒त्यौज॑सा दृ॒हणा॑  
यं नु॒देथे॑ । या रा॒जा॒न॒स॒ स॒रथ॑ य॒थ उ॒ग्रा ता नो॑ मु॒ञ्च॒त॒माग॑सः ॥ यो वा॒ रथ॑ ऋ॒जुर॑श्मिः  
स॒त्यध॑र्मा मि॒थु च॑र॒न्त॒मु॒प॒याति॑ दू॒षय॑न् । स्तो॒मि - [ ]

#### Pada Paata

सः । नः । मु॒ञ्च॒तु । अ॒हंसः॑ ॥ यः । स॒ग्रा॒ममि॑ति॒ सम् - ग्रा॒मम् । न॑यति । स॒मि॒ति । व॒शी  
। यु॒धे । यः । पु॒ष्टानि॑ । स॒सृज॑ति॒ सं-सृज॑ति । त्रया॑णि ॥ स्तो॒मि । इन्द्र॑म् । ना॒थि॒तः ।  
जो॑हवी॒मि । सः । नः । मु॒ञ्च॒तु । अ॒हंसः॑ ॥ म॒न्वे । वा॒म् । मि॒त्राव॑रु॒णेति॑ मि॒त्रा - व॒रुणा॑  
। तस्य॑ । वि॒त्तम् । स॒त्यौज॑सेति॒ सत्य॑ - ओज॑सा । दृ॒हणा॑ । यम् । नु॒देथे॑ इति॑ ॥ या ।  
रा॒जा॒न॒म् । स॒रथ॑मि॒ति स॒रथ॑म् । य॒थः । उ॒ग्रा । ता । नः । मु॒ञ्च॒त॒म् । आग॑सः ॥ यः ।  
वा॒म् । रथ॑ः । ऋ॒जुर॑श्मि॒रित्यु॒जु - र॒श्मिः । स॒त्यध॑र्मेति॒ सत्य॑ - ध॒र्मा । मि॒थु । च॑र॒न्त॒म् ।  
उ॒प॒या॒तीत्यु॒प - या॑ति । दू॒षय॑न् ॥ स्तो॒मि ।



## 35 TS 4.7.15.3

### TS 4.7.15.3

#### Samhita Paata

मित्रावरुणा नाथितो जोहवीमि तौ नो मुञ्चतमागंसः ॥ वायोः सवितुर्विदथानि मन्महे यावात्मन्वद्-  
बिभृतो यौ च रक्षतः । यौ विश्वस्य परिभू बभूवतुस्तौ नो मुञ्चतमागंसः ॥ उप श्रेष्ठान आशिषो  
देवयोर्धर्मं अस्थिरन् । स्तौमि वायुं सवितारं नाथितो जोहवीमि तौ नो मुञ्चतमागंसः ॥ रथीतमौ  
रथीनामह ऊतये शुभं गर्मिष्ठौ सुयमेभिरश्वैः । ययो - [ ]

#### Pada Paata

मित्रावरुणेति मित्रा - वरुणा । नाथितः । जोहवीमि । तौ । नः । मुञ्चतम् । आगंसः ॥  
वायोः । सवितुः । विदथानि । मन्महे । यौ । आत्मन्वदित्यात्मन् - वत् । बिभृतः । यौ  
। च । रक्षतः ॥ यौ । विश्वस्य । परिभू इति परि - भूः । बभूवतुः । तौ । नः । मुञ्चतम्  
। आगंसः ॥ उपेति । श्रेष्ठाः । नः । आशिष इत्या - शिषः । देवयोः । धर्मं । अस्थिरन्  
॥ स्तौमि । वायुम् । सवितारम् । नाथितः । जोहवीमि । तौ । नः । मुञ्चतम् । आगंसः  
॥ रथीतमाविति रथि - तमौ । रथीनाम् । अह्ने । ऊतये । शुभं । गर्मिष्ठौ । सुयमेभिरिति  
सु - यमेभिः । अश्वैः ॥ ययोः ।

## 36 TS 4.7.15.4

### TS 4.7.15.4

#### Samhita Paata

-वाँ देवौ देवेष्व-नि॑शित॒-मोज॑स्तौ नो॑ मुञ्चत॒माग॑सः ॥ यद॑यातं॒ व॑ह॒तुः॑ सूर्या॑या-स्त्रि॒च॒क्रेण॑ सः॒  
सद॑मिच्छ॒मानौ॑ । स्तौमि॑ दे॒वा व॒श्विनौ॑ ना॒श्रितो॑ जो॒हवीमि॑ तौ नो॑ मुञ्चत॒माग॑सः ॥ म॒रुता॑ म॒न्वे  
अधि॑नो ब्रुवन्तु॒ प्रेमां॑ वाचं॒ विश्वा॑ मवन्तु॒ विश्वे॑ । आ॒शून् हु॑वे सु॒यमा॑नूतये ते नो॑ मुञ्चन्त्वे॒नसः॑  
॥ ति॒ग्ममा॑युधं॒ वी॒डितः॑ सह॒स्वद् दि॒व्यः॑ श॒र्द्धः॑ - [ ]

#### Pada Paata

वा॒म् । दे॒वौ । दे॒वेषु॑ । अ॒नि॒शित॑मित्यनि॒-शित॑म् । ओजः॑ । तौ । नः॑ । मु॒ञ्चत॑म् । आ॒ग॑सः  
॥ यत् । अ॒या॑तम् । व॒ह॒तुम् । सूर्या॑याः । त्रि॒च॒क्रेणेति॑ त्रि - च॒क्रेण॑ । सः॒सद॑मिति॑ सम्  
- सद॑म् । इ॒च्छ॒मानौ॑ ॥ स्तौमि॑ । दे॒वौ । अ॒श्विनौ॑ । ना॒श्रितः॑ । जो॒ह॒वीमि॑ । तौ । नः॑  
। मु॒ञ्चत॑म् । आ॒ग॑सः ॥ म॒रुता॑म् । म॒न्वे । अधी॑ति । नः॑ । ब्रुव॑न्तु । प्रेति॑ । इ॒माम् ।  
वाच॑म् । वि॒श्वाम् । अ॒व॒न्तु । विश्वे॑ ॥ आ॒शून् । हु॑वे । सु॒यमा॑निति॑ सु - यमा॑न् । ऊ॒तये॑ ।  
ते । नः॑ । मु॒ञ्चन्तु॑ । ए॒नसः॑ ॥ ति॒ग्मम् । आ॒युध॑म् । वी॒डित॑म् । सह॒स्वत् । दि॒व्यम् । श॒र्द्धः॑ ।

## 37 TS 4.7.15.5

### TS 4.7.15.5

#### Samhita Paata

पृ॒त॑ना॒सु जि॒ष्णु । स्तौ॑मि॒ दे॒वान् म॒रु॒तो ना॒थि॒तो जो॑ह॒वीमि॒ ते नो॑ मु॒ञ्च॒न्त्वे॒न॑सः ॥ दे॒वानां॑ म॒न्वे अ॒धि  
नो॑ ब्रु॒वन्तु॒ प्रेमां॑ वाचं॒ विश्वा॑मवन्तु॒ विश्वे॑ । आ॒शून् हु॒वे सु॒यमा॑नू॒तये॒ ते नो॑ मु॒ञ्च॒न्त्वे॒न॑सः ॥ य॒दि॒दं  
मा॑ऽभि॒शोच॑ति॒ पौरु॑षे॒येण॒ दै॒व्येन॑ । स्तौ॑मि॒ विश्वा॑न् दे॒वान् ना॒थि॒तो जो॑ह॒वीमि॒ ते नो॑ मु॒ञ्च॒न्त्वे॒न॑सः  
॥ अनु॑नो॒ऽद्यानु॑मति॒ > 1, रन्वि॑ - [ ]

#### Pada Paata

पृ॒त॑ना॒सु । जि॒ष्णु ॥ स्तौ॑मि॒ । दे॒वान् । म॒रु॒तः । ना॒थि॒तः । जो॑ह॒वीमि॒ । ते । नः॑ । मु॒ञ्च॒न्तु॒  
। ए॒न॑सः ॥ दे॒वाना॑म् । म॒न्वे । अ॒धी॒ति॒ । नः॑ । ब्रु॒वन्तु॒ । प्रे॒ति॒ । इ॒माम् । वाच॑म् । विश्वा॑म्  
। अ॒व॒न्तु॒ । विश्वे॑ ॥ आ॒शून् । हु॒वे । सु॒यमा॑नि॒ति॒ सु - यमा॑न् । ऊ॒तये॑ । ते । नः॑ । मु॒ञ्च॒न्तु॒  
। ए॒न॑सः ॥ यत् । इ॒दम् । मा॒ । अ॒भि॒शोच॑ती॒त्याभि॑-शोच॑ति । पौरु॑षे॒येण॒ । दै॒व्येन॑ ॥ स्तौ॑मि॒  
। विश्वा॑न् । दे॒वान् । ना॒थि॒तः । जो॑ह॒वीमि॒ । ते । नः॑ । मु॒ञ्च॒न्तु॒ । ए॒न॑सः ॥ अ॒न्वि॒ति॒ ।  
नः॑ । अ॒द्य । अनु॑मति॒रियन्तु॑ - म॒तिः । अ॒न्वि॒ति॒ ।

## 38 TS 4.7.15.6

### TS 4.7.15.6

#### Samhita Paata

दे॒नु॒म॒ते॒ त्वं >2, वै॒श्वान॒रो न॑ ऊ॒त्या >3, पृ॒ष्ठो दि॒वि > ये अ॒प्र॒थे॒ता-म॒मि॒ते॒भि॒ रोजो॑भि॒ र्ये प्र॑ति॒ष्ठे  
अ॒भ॒व॒तां व॒सू॒नां । स्तौ॑मि॒ द्यावा॑ पृ॒थि॒वी ना॑थि॒तो जो॑ह॒वीमि॒ ते नो॑ मु॒ञ्च॒त॒म॒ः ह॑सः ॥ उ॒र्वी रो॑द॒सी  
व॒रि॒वः कृ॒णो॒त॒ क्षे॒त्र॒स्य॑ प॒त्नी॒ अधि॑ नो ब्रू॒यात॑ । स्तौ॑मि॒ द्यावा॑ पृ॒थि॒वी ना॑थि॒तो जो॑ह॒वीमि॒ ते नो॑  
मु॒ञ्च॒त॒म॒ः ह॑सः ॥ यत् ते॒ व॒यं पु॑रु॒ष॒त्रा य॑वि॒ष्टा वि॑द्वा॒ऽस॒श्च॒कृ॒मा क॒ञ्च ना॑ - [ ]

#### Pada Paata

इत् । अ॒नु॒म॒त॒ इत्य॑नु - म॒ते । त्वम् । वै॒श्वान॒रः । नः । ऊ॒त्या । पृ॒ष्ठः । दि॒वि ॥ ये इति॑  
। अ॒प्र॒थे॒ताम् । अ॒मि॒ते॒भिः । ओ॒जो॒भि॒रि॒त्यो॒जः - भिः । ये इति॑ । प्र॒ति॒ष्ठे इति॑ प्रति - स्थे ।  
अ॒भ॒व॒ताम् । व॒सू॒नाम् ॥ स्तौ॑मि॒ । द्यावा॑पृ॒थि॒वी इति॑ द्यावा॑ - पृ॒थि॒वी । ना॑थि॒तः । जो॑ह॒वीमि॒  
। ते इति॑ । नः । मु॒ञ्च॒त॒म् । अ॒ऽह॑सः ॥ उ॒र्वी इति॑ । रो॑द॒सी इति॑ । व॒रि॒वः । कृ॒णो॒त॒म्  
। क्षे॒त्र॒स्य॑ । प॒त्नी॒ इति॑ । अधी॑ति॒ । नः । ब्रू॒या॒त॒म् ॥ स्तौ॑मि॒ । द्यावा॑पृ॒थि॒वी इति॑ द्यावा॑ -  
पृ॒थि॒वी । ना॑थि॒तः । जो॑ह॒वीमि॒ । ते इति॑ । नः । मु॒ञ्च॒त॒म् । अ॒ऽह॑सः ॥ यत् । ते । व॒यम्  
। पु॒रु॒ष॒त्रेति॑ पु॒रु॒ष॒त्रा । य॑वि॒ष्ट । अ॒वि॒द्वा॒ऽसः । च॒कृ॒म । कत् । च॒न ।

## 39 TS 4.7.15.7

TS 4.7.15.7

Samhita Paata

ऽऽ\*गः । कृ॒धी स्वं॑स्मा॒ अदि॑ते॒रना॑गा॒ व्येना॑सि शि॒श्रथो॑ वि॒ष्वंग॑ग्रे ॥ यथा॑ ह॒ तद् व॑सवो गौ॒र्यं  
चित् प॒दिषि॑ता ममु॑ञ्चता यज॒त्राः । ए॒वा त्वम॑स्मत् प्रमु॑ञ्चा व्य॑हः प्रा॒तार्य॑ग्रे प्र॒तरा॑न् आयुः ॥

Pada Paata

आगः ॥ कृ॒धि । स्वि॑ति । अ॒स्मान् । अदि॑तेः । अना॑गाः । वी॑ति । एना॑सि । शि॒श्रथः  
। वि॒ष्वक् । अ॒ग्रे ॥ यथा॑ । ह॒ । तत् । व॑सवः । गौ॒र्यम् । चि॒त् । प॒दि । सि॒ताम् ।  
अमु॑ञ्चत । य॒ज्ञ॒त्राः ॥ ए॒वा । त्वम् । अ॒स्मत् । प्रे॑ति । मु॒ञ्च । वी॑ति । अ॒हः । प्रे॑ति ।  
अ॒ता॒रि । अ॒ग्रे । प्र॒तरा॑मि॒ति प्र - त॒राम् । नः । आयुः ॥ (अ॒ग्रेर्मन्वे - यस्ये॒द- मिन्द्र॑स्य -  
यः सं ग्रा॒ममिन्द्र॑ - स नो मुञ्च॑त्व॒ हंसः । मन्वे वा॒न्ता नो मुञ्च॑त॒माग॑सः । यो वा॑ - वा॒यो-  
रुप॑ - र॒थीत॑मौ - यद॒यात॑-म॒श्विनौ - तौ नो मुञ्च॑त॒माग॑सः । म॒रुता॑न्- ति॒ग्मं - म॒रुतो॑ - दे॒वानां॑ -  
यदि॑दं वि॒श्वान् - ते नो मुञ्च॑न्त्वे॒नसः । अनु॑ न - उ॒र्वी - द्यावा॑पृ॒थि॒वी - ते नो मुञ्च॑त॒मह॑सो य॒तै  
। च॒तुर॑ ह॒सः षा॒डाग॑सश्च॒तुरे॑न॒सो द्वि॑र॒हंसः ।